



翠翠集卷二十六

東吳俞安期羨長著

松陵徐白介白校

五言律詩

四

赴池陽遇龍君揚作

邂逅東來信倉皇遠道身
獨行拚警夜百感犯蕭辰
漢法驚延蔓人情苦束薪
相逢吞淚語風雨倍酸辛

下澤車方御中山謫却來
孤心懸九辯深譴答

羣猜午夜垂枯淚 清朝未盡才陽迴縱有日

時命已堪哀

鄒彥吉云二首絕似少陵

玉女巖

高盤經險絕丈室寄氤氳僊髮晞巖日天漿結
嶺雲荒臺傳異跡迸石見靈文遠覓增城馭青
鸞自一羣

過龍君揚少叅于甘谿相畱累月雜題四

首

墟里木蒼蒼秋山赴草堂門羅求鳥設陂水種

魚防累日陪羣從淳風得此鄉儻然容避世吾

欲近東墻

待食日何衆山田歲不支貧非緣罷後廉已著

當時祖德仍如此身謀豈自私不禁愁欲絕廢

詠北門詩

諸村無異姓累世或同家少長邀皆去盤餐喜

不奢千林甘竹色六月孝梅花點檢先賢事題

詩嶺日斜

絕勝諸泉石逶迤數里間仙靈還處處烟火自

山山壇訪羅公入巖尋玉女攀淹畱好隨地昏
黑也忘還

飲龍望卿鴻臚

園實經霜老陂魚出水長行盤稀舊摘斫膾美
新嘗淹汨非吾土蹉跎且醉鄉前村復催飲夜
火過山梁

尹教父參軍來訪甘谿夜會龍少參席上
教父舊識南都別已十年撫今追昔率
就二章

東行誰報汝真氣儻曾占悲喜情相勞親朋會
偶兼秋星窺露坐寒燭影風簾省識當時面參
軍故有髯

舊遊勞問訊近事幾參差薄宦元堪棄窮交漸
可疑艱虞曾虎口汨沒但鳴夷無恙江山色猶
然屬爾時

飲龍觀卿

山扉帶白雲曲巷路中分陰坐空庭柏香餐遠
澗芹長貧惟飲客未識已知君三謝慙慙意醇

醪獨易醺

飲龍周卿茂才

雪色新炊黍霜花乍剖柑
內庖分美供中坐理
清談分日招何數經旬飲自耽
谿流甘復冷一
軟漱餘酣

墻西

墻西吾久住薄技媿人知
僮僕諳鄉語交遊誦
客詩有言長對影此出豈緣私
那得荆高輩論
心又一時

飲龍君時茂才

鷄黍期難負楓林往欲迷
山盤深塢曲天曠短
垣西入坐形骸放飛觴酒政齊
易令忘客久一
月已如泥

飲龍志卿

醴知因我設尊數爲君空愛客
非今日爲儒自
父風入盤寒芋綠銜燭夜花紅
點檢歸來轄何
能出井中

飲龍仕卿

苦愛山家飲偏多地主憐霞漿杯往急雪片膾
來鮮倚醉詼諧出忘形禮數捐平生潦倒態今
日盡君前

飲龍行恭

處處邀堪醉君家飲興寬
嬾容疎揖讓貧不簡
盤餐陽月含春氣
陂雲變晚寒
向生今日感哀
笛在林端

行恭乃兄與余交于沅州今已物化末有感焉

飲郭公琥西爽樓時以登山雨阻

登樓一空闊莽莽看雲行
峯嶺遙俱合川原曠

不平寒多輕酒力天遠散歌聲
閑殺雙遊屐浮陰苦未晴

遊梅陂四詠

梅峰巖

險絕重巖路高雲護百盤
風銜山壁冷雷坼石房寬
蘿石披衣卧芝畦拾髓餐
倒懸低寶樹五色長琅玕

函三院

萬嶺中開院平臯僅一區
泉分過竹道虹飲入

松厨曲岸清江束欹牀錦石扶居人怪幽劇偏
稱是潛夫

玉漿巖

危巖接混茫誰下帝臺漿風急吹微斷雲高挂
復長玉盆畱浣髮藥杵借春糧惆悵僊靈去苔
花繡石牀

芙蓉城

片片芙蓉萼羣峰列雉成人烟非蜀郡仙室似
增城曲抱江流轉橫開石闕平儻能移直北一

爲固神京

過賀大理池園雜題四首

瞥然山郭裏何得有仙源截水寬爲渚因城近
作垣松房收子細花障引枝繁漸覺深雲霧穿
林過石門

巧置諸亭榭丘中或水中過橋方繫筏遵樹曲
爲宮沙鳥同孤嶼煙林各一叢遐方來異卉寒
月最青蔥

陂種魚千石畦叢橘萬頭冰鱗洧水色霜實洞

庭秋伏臘茲堪給身名亦易謀總令求避世猶
可抵封侯

飛渡津梁外禪棲別有林芙蓉寒立委藤竹歲
交侵出定逢僧語分齋識磬音經過聞白法證
得宰官心

遊西峯寺同無學上人

鹿苑連蒼莽長林鬱自迴雪高松覆閣天遠日
平臺僧行三祇積池流七寶開看山如有解峰
勢亦西來

西峰寺除夕讀楞嚴後寄家人

歲曆將窮夜精藍再宿時客貧安濩落親遠念
衰遲感事寧無恨翻經強自支妄心徵盡後難
遣是歸思

龍君揚赴永安賦此爲別

迢遞邊夷戍悲酸絕海行百憂緣國事一哭豈
私情積氣寒相結江聲夕未平離鴻何意識哀
怨向人鳴

功罪寧論實馳驅祗自傷一身爾謗牘九死列

戎行海樹交吹瘴蠻花不受霜長城誰可倚今
日爾投荒

粵南元異俗豈意托孤臣語嘯多蛇鬼舟航總
蠻人華音應不解夷習更誰親颯颯形將影遙
天對苦辛

伏闕心仍在從君未可期死生謀不定悲喜見
應遲變徵歌殘夜分途淚盡時誰諳兒女態寧
直有情癡

慧力寺雨花菴尋月泉上人

禮佛遙臨寺尋僧別叩菴松關猿爲引花座鳥
同參瓢飲宜春水林行愛夕嵐鐘聲相送罷月
出向谿南

訪曾鴻臚以仁於莊居

莊居隱事清匡坐語生平宦跡貧方罷農功老
自明叢山蒙夕氣華薄殷春聲妒爾他鄉業幽
深足避名

憶管長干陌逢君趙女家雙棲金帖燕四照玉
爲花夜曲清啼月春衣薄卷霞十年回首處三

歎鬢成華

登臨江天寧寺飛閣

地餘龍藏表閣迴鷺峰前雲抗垂檐氣香飄出
市煙幻身仍半刹慧眼已諸天下見帆檣影春
城晚泊船

晴江上人淨六山房

林阜乘階上禪關背殿分市烟隨起滅人語斷
聲聞積晦多庭樹微風自嶺雲六時俱淨業何
假遠離羣

敬叔以余至豫章遂止武夷之遊促之以

詩

我居就汝室汝去且名山及母猶強健乘春易
往還藥須分石井詩可署雲關莫慮貧家在饗
餐也未艱

過楊懋功禪悅齋

高阜青林出長垣紺戶開人應初地住齋以八
關來薙草平依石披花曲上臺爲諳禪悅味小
坐損蒼苔

遊百福寺

蘚徑平猶滑松寮寂不扃高畚春燒黑廢水石
池青香供行分飯華言坐譯經尋僧稽舊事方
語亦煩聽

陳司徒仲舉祠

半符分往日一榻紀前風名轉依高士官仍亞
上公鮮雲飄斷石靈雨泣荒宮咫尺隣徐墓居
人酌酒同

溫太真墓

牛渚然犀後南州返節初成功猶綠髻拔齒遽
玄廬夕漲江煙闊春雲隴樹疎老奴誰喚汝山
月鏡臺虛

題孔陽王孫像教精舍

并序

具此法身棄彼幻身西方有是教也旣焚幻
身取其灰燼而範成佛像者是其徒猶著攀
戀心乃猶冀法身所依耶孔陽得其像遂立
精舍以瞻禮之此將攝心依界而進悟三一
不立之旨諸勝流讚述已具獨闕五言近體

余爲備之云

僧伽遺聖像 帝胄立禪扉恭禮幻身幻暫從
依報依布金卑置埒栽錦學傳衣一淨諸緣相
靈花不著飛

過明承飲得七虞韻

亦是王孫邸翻疑寂寞區避人長墜戶邀我一
開厨甕酒涼吹蟻簷禽靜乳雛客居隣並汝重
醉不煩呼

芾斯宗侯攝弋陽國事賦贈二首

攝國煩同姓推賢命徹侯詩書新秉魯宗社舊
藩周術異耽鴻寶恩齊賜豹裘綠圖金簡字紀
世又千秋

聞昨遺金壘爭窺擁若雲羣情徒失計三讓獨
歸君敦睦身求禮春容首好文從今看赤社佳
氣漸紛紜

題徐汝念方伯瑞芝園四首

身爲寧親乞園因卜瑞名金光衆草色雲蓋五
芝英臺館深連宅江山僅出城臨高通外望水

市遠煙平

赤坂懸梯窄青丘隱榭寬林高凡衆木逕遠亦
多盤花綻陰崖晚雲經石戶寒依依諸鳥雀棲
托每相安

引水池深鑿臨堤樹曲屏垂藤刪作杖飛絮墮
爲萍窮磧沙紋古幽源日氣青出林天已曠高
鳥去冥冥

豈獨能幽事無聞有至情邀人題竹往御母采
芝行水破紅鱗膾天寒綠筍羹歲時中自給無

復外經營

題健甫王孫薜荔園

公族周同姓初衣楚獨醒所憐依薜荔直取置
林亭雨氣過墻綠春陰抱石青長歌向山鬼颯
颯更誰聽

題君霖宗侯六書樓

古法師倉頡高樓應斗墟畫求龜出後形辨鳥
書初粟雨臨窗暗松煙出市疎可曾窺孔壁君
似魯恭餘

元長德操二宗侯招飲池上樓同啟明鬱
儀圖南彭次嘉

西日清池影樓中倒射明蒼蒼看衆嶺一一上
孤城厨酒行雲液羹蔬間石英怪來飛動意醉
醒總難平

遊西山暫止望城菴

菴新移建嶺上

廣原迷漲水半刹掩江聲遠近開香海分明望
化城乍移林樹短不動法雲平苦爲尋山屐蒼
煙送晚行

佛日過空輪寺畱宿

初地長林曲荒雲短屐前浴香逢佛日分飯少
人煙夜炬惟松火山糧賸石田依依桑下宿片
月擁高眠

訪李林宗於谷中

屢過林曲折四起嶺交加禾黍千區谷饗餐百
口家馬煩朝莖草鳥共晚餐花石壁題詩罷葍
苔吐赤霞

過周稗尊胡雲從於舟中適圖南携酒至

遂飲分得桑字

相逢聊一揖入坐遂行觴舟楫今何夕江山共
異鄉芳洲依杜若薄業問耕桑容與臨前渡菱
歌出浦長

喜貞吉至自廬山同周稗尊楊懋功宗良
京父訪之集嘉遜堂各用明字

我至初垂柳君歸已薦櫻驚疑申慰藉遊歷語
分明持贈孤雲色畱餐五石英總憐遲會面差
不負生平

過徐汝念瑞芝園同健父長倩小飲同用
公字

芝畛英英色松林謾謾風經過仍問主供具旋
呼童席暝雲陰度杯凉水氣通清池臨共鑒美
孰似徐公

遷寓宗良王孫石蘭館

亂書移敝篋高館就閒身花石依人喜禽魚挾
子駟授餐忘旅食習嬾漸吾真不爲同幽癖朱
門敢遽親

題余靈承奇賞齋

隱閔空齋裏陰深入薜蘿異圖山海盡古字鼎
彝多風后傳經至侯芭載酒過永懷千載意高
視奈君何

端陽前一日喻邦相楊懋功宗良孔陽巍
甫佳甫載酒過丘謙之客邸邀余同集
分得先字

客邸勞頻慰蒲觴亦預傳驅車大夫後爭席野
人先榆柳行厨火松筠近郭煙候明看競渡移

席上江船

望湖亭

亭接微茫出天隨浩蕩來地形歸藪澤水氣積
雲雷莽欲乘桴去真疑汎海迴飄搖匡阜色隔
岸似蓬萊

將入匡廬雨中題宮亭廟

乍整名山屐行窺古廟雲松扉隣水族芝蓋接
廬君雨豈朝靈至風曾送客分併教晴可乞報
以五遊文

次潯陽胡司農邀飲署中同謙之君霖作
時將入匡廬

豈爲關門氣壺觴遂濫邀諧談寄名理酒態入
逍遙山近長吹瀑江高不受潮著書留未住心
赴遠公招

邢刺史招飲攬秀亭同謙之君霖作時三
美人在坐

青阜高平郭紅亭遠入烟臨花孤逕轉出樹衆
峰懸縱意寧防醉徵歌競取憐如澠今日酒易

盡美人前

自東林過西林寺

寺在香谷

青天將下日偏是近西林花木遙中斷藤蘿各
上尋衆香平谷氣孤塔廢庭陰何處看馴虎雲
山日自深

宿下大林寺

衆樹平填壑羣山近疊屏珠光虎崖碧燈影雁
堂青雲霧疑朝沐風泉亂夜聽爾時清可悅不
寐靜繙經

宿禪悅齋

齋室秋何爽林扃夜復澄懸燈孤對佛移榻四
隣僧響入驚風竹涼飄拂露藤徹明聞梵唄宛
轉和迦陵

禪悅齋謝楊懋功使君供具

學禪開竹院留客住花壇內卧旋分帳中厨遠
具餐依桑三宿過藉草六時殘領悟空王義還
期證宰官

留別豫章諸遊好

秋至懷歸急情鍾怨別真因成久住客轉似遠
行人涕淚猶孤憤憂思併一身還從舊征路來
往是蕭辰

獨客稱詩日羣公頌酒年禮偏容醉後交每定
尊前舟楫風難繫衣裳候屢遷中秋南浦月愁
絕爲離筵

石亭再別朱宗良羅敬叔孫子開袁吉卿
那忍離亭酒斯須向水涯俱飛黃鵠意孤汎白
鷗期璧月將虧夕金風欲正時最憐東去眼還

顧只西悲

舟夜再與敬叔賦別

黯黯弟兄意勞勞相對歌心知來日短苦是別
年多變徵驚風起橫參視夜過汎瀾俱不斷流
涕與流波

鄒彥吉云律詩中有古意人所罕及郭美命云情真語盡

過景德鎮因投宿東山禪寺

萬家成聚落衆嶺合嶽崆水日晴谿曲陶燴晚
市深東南偏瘠壤楚越競鄉音遠借禪房宿穿
雲古澗陰

同汪司馬過宿無量壽宮宮在白嶽太素

宮西是司馬新構

石壁開精舍松門入夜濤法初通象馬食每施
猿猱一壑天長窄千峰枕自高琳瑯雜鍾磬隔
嶺近神臬

與陸伯玉王承父宿汪仲嘉閣中夜話

秋星懸枕簟高卧絳河津疾苦憐予在歡悲向
爾真霜清微照客山黑遠疑人永夜滄洲語殷
勤舊釣綸

投松蘿菴宿

昏黑投雲屋援蘿取逕勞偃松支棧窄懸竹引
泉高山怪飛青火空王擁白毫齋餘思小卧隨
處穩蓬蒿

自松蘿山踰大備峰投大備菴菴爲汪仲
淹主構遂簡仲淹於病中

樵路峰頭立禪扉嶺曲看一山經阻絕百折盡
艱難深壤垂天小窮林抱日寒欲因摩詰病聽
法住花壇

丁南羽携酒過集任山甫蟠臺

桂酒携雲液松臺坐石根名因避城市醉合在
丘樊曲水通深沱遙峰屬短垣寥寥會心事應
接總微言

簡丁元父明府兄

因君長白嶽未敢住仙都口累逃安邑身謀遠
畏途不成爲上客儻自稱潛夫解識冥冥意鴻
飛孰可呼

昨日慈親至東征賦有無官貧應喜色身健復

長途瞻拜虛吾禮
衰遲仗爾扶魚梁
如返鮓蔬食只雕胡

仲淹士能見過肇林

中公谿北寺仲氏宅南隣
乞法雙居士稱詩一
旅人醉寧妨戒律病豈厭
沉淪坐占祇林樹巢
鳥不解嗔

欲雪

天地蒼黃色煙沙慘淡時
野泉水漸涸爨火冷
難炊獵犬馳翻疾驚禽噪
自疑旅塊驚欲雪阻

絕故山期

鼎余食其廬居見寄兼憶其弟不其
望遠支鷄骨憂思竟若何
蓼莪終廢詠伐木稍
成歌林水流音苦山雲互影多
哀哀鴻鴈語霜露泣長河

徐子裁自蜀歸遇之新都因訊張伯大侍
御時侍御罷官居定遠

客馭青城鶴遙知自蜀來
炎天看雪嶺幾日離
琴臺旅橐支機石王門酌醴杯
可曾歌九辯一

和逐臣哀

迎春日飲汪司馬特室

抽毫深頌酒搔首縱論文狂覺年猶少驚看歲
欲分土膏催凍雪簷樹候春雲隣近東郊路喧
喧鼓吹聞

丙戌除日聞雷同汪司馬賦

冰藏初凌室雷出已窮泉天意寬司令春轂逼
故年草應私甲坼花底促鮮妍誰信山川裏龍
蛇卧自堅

丁亥元日桃源塢卽事四首

異鄉三正朔敝服再經年汨汨甘人後棲棲老
客邊身元歸梵行名偶仗詩篇藜杖餘生潤春
來萬壑前

駘蕩今朝日喧豷昨夜雷天心誰敢問占候漫
相猜春漲歸期近新煙旅食開椒花紅汎汎隨
興客中杯

寂寂桃源地誰來半晦宮詩郵司馬使隣舍祝
雞翁隱跡秦年似遺風楚歲同耕漁懷舊業冰

泮五湖東

生事微關意憂端亦近情年來艱索米春入待
餐英墜戶從容出刪書寂寞成魚龍陳百戲今
日漢西京

春日簡仲淹于病中

藥草千山濶春苗爲爾長形能隨槁木方定乞
長桑嗜嬾餘生穩歸禪晚計強新詩關健在骨
力迥蒼蒼

雪後寄王仲房

積雪山城霽長煙旅望開君家隔蒼莽我馬病
崔嵬茶事鋤雲罷漁歌出浦來桃花東郭酒春
色候登臺

吳茂文會于興國別經年矣余入新都茂
文亦歸海陽會余避丁令君嫌不及走
訪寄此申意并訂黃山之遊

相逢憐下雉相憶望來鴻尺素長天失孤心皎
日同身慚爲令客肩擬拍僊翁倚仗期君處軒
轅有故宮

鹿苑分蹤訪野萍法師談楞嚴經

鹿苑禪枝擘龍宮貝葉探發揮千古祕領悟六
時談旛影林中閣蘿陰石上龕似逢新佛日又
見長優曇

哭吳虎臣

一哭谿橋路年年墓草腓荒臺長夜色哀壑斷
春歸海嶽窮交盡村墟酒市稀醉竟終未化千
古綠煙飛

琴琴集卷二十六

琴琴集卷二十七

東吳俞安期羨長著
松陵顧有孝茂倫按

五言律詩

五

暮春登天子鄣至須彌菴作

鳥道千盤度祇林一室懸生雲長半嶺住地已
中天花發將炎月松留太古煙平生愛奇絕龍
井枕流眠

誰謂禪關小能容法界賒僧年看嶺樹佛日驗

雲華瀑散晴林雨燈搖晚壑霞坐添居士室人
擬在毘耶

三龍井觀瀑

瀑流林末下石井硤門開天捲陰晴雪山飛日
夜雷挾湍龍戲出飲澗獸驚迴不是匡廬上終
疑絳渚隈

遊靈巖四洞詩

卿雲洞

飛棧凌危塹移燈破杳冥挂崖僊樹綠赴石亂

流青井宅棲煙客風雷闕水靈卿雲將玉乳五
色互熒熒

瓊芝洞

窄戶欹艱入傾崖滑自懸蛇行途屢變猿挂組
長遷蓮萼垂垂石芝英曲曲田空潭太幽黑深
恐犯龍眠

含虛洞

地道乘梯下幽端秉燎窺力窮仍奮迅奇絕轉
艱危冰窟龍堪擾雲厨石自炊仙家疑不遠鷄

犬望前陂

蓮華洞

三竇雲根圻羣峯玉筍長虛無移鬼谷空濶隱
僊房雷或鳴寒井水多結夏漿蓮臺長跽石似
禮白毫光

宿雙嶺菴

聖水臨堦定祇林截嶺開雨水龍子出嘯月虎
俵來喻法高移座繙經小築臺梵音中夜發誤
作海潮迴

遊丞相原作時汪仲翔諸子讀書原上

平原開絕澗四候失炎蒸氣黑千峯石陰清衆
壑冰虎巢穿灌莽猿嘯出深藤崖背看青火僊
家自夜燈

觸石看雲出懸崖聽瀑鳴尋常生雨雪倏忽變
陰晴土室彈琴坐旄丘采葛行怪來天上住猶
有讀書聲

尋源至海日峯

緣水穿荒楚尋源入杳冥燒痕林樹黑積氣澗

花青地絕時行石天垂晝辨星高峯一登望夜
日在滄溟

逢馮元敏夜譚

邂逅湘源上殘宵坐不煩逢人羞客計向汝盡
余言起立移驚鵲哀歌動嘯猿文章重屈指高
視欲飛翻

別君遙入楚飄泊歲頻移樹蕙畱湘久迷花去
鄂遲短歌山鬼習浪跡里人疑歸計毋煩問蕭
蕭旅橐知

自湘山至獅子巖

一壑分巖古千松引逕長水流無磴戶石覆有
僧房秉燎穿雲紫乘空吐霧黃迴飈吹洞口猛
欲吼獅王

舒太史招同蔣文學集高山寺夜譚

塵井蒼雲下香臺翠嶺前倚林翻積雨把酒入
孤煙語破聲聞醉身歸散聖禪但看蓮在火萬
事未須捐

舒孺立再邀夜譚

濁世何妨住毗城豈必家厭離元小果孰見復
空花起妄重輪月浮榮五色霞未圓諸有漏誰
免飯炊沙

舒翁邀飲湘山別墅在湘山寺西

別業清湘地仙翁太古人杯如行玉乳坐擬近
瑤津老樹蒼林戶曇雲紺宇隣月來鐘磬罷蓮
漏隔花頻

遊盤石

盤空巖壁立屈曲展呆愚石類雲千變崖驚乳

四垂怒濤龍出喜怪樹馬經疑只謂穿巴蜀牽
江上峽時

遊興安乳洞三首

斷磧藏沙渚飛梁渡澗門履田分石畛探水溟
雲根凍雨垂空結春雷殷地奔將無異人隱紫
氣擁朝昏

右下洞名歎雷

雲扉中自劃雷澗下長聞入戶坪堪宅穿厓道
屢分石牀平覆雪玉柱遠支雲蘚壁紛題墨玄
龍錯繡紋

右中洞名貯雲

遠叩三重戶如登十二樓燎過翻蟄燕履墮犯
潛虬雪乳浮沙積霞紋抱石流花源津可問隔
水見平疇

右上洞名飛霞

初至桂林訪張羽王悲喜相勞率成二章
夏木經秦戍春花發武陵重陰寧敢息高漲總
堪乘驚喜初持袂悲涼數撫膺遠期當日意垂
首媿飛騰

君謂擔簦苦余看度嶺輕易來炎徼地難處故
知情恩及身前報遊隨興裏成所嫌徐孺子塚

上束芻行

張質卿太僕邀同張羽王京兆載蒼梧酒

過集灘山旅館

款門張僕正京兆復能俱嶺外此名士尊前惟
野夫玉羹沈綠笋碧醪出蒼梧屢喚墻頭甕微
喧警夜烏

張質卿太僕邀過其兄壽卿府公青蘿園

共集

兄弟雙稱美池園獨見邀蟠簷蚪樹老夾逕鶴

林遙樓迥山俱入波涼雨數飄隔谿喧忽動歌
吹晚迴橈

逢趙仲選藩幕

曾令
鑿江

謫宦趨藩幕悲辛嶺外逢妻孥憂日給山水怯
遊蹤架帙防頽壁題詩寄遠峯鳴琴舊時曲彈
向一長松

同張質卿由南谿歷劉仙巖汎舟至大墟

憇壽隆寺前大樹下

樹蔭十晦
狀若蚪龍

川漲平猶駛仙巖迴更深雲中與煙際水汎復

山尋幽興通玄理微言入短吟繫舟探海藏龍
樹覆慈陰

汝成王孫邀同退之遊七星山

有引

山有七峯位置如斗小峯旁出亦若輔星腹
多空洞則有棲霞玄風爲之奇絕

桂尊攜帝胄松磴引黃冠空翠深同入山形
駭獨看洞疑霞變幻峯學斗闌干不耐披襟坐
玄風吐夏寒

徐醴陵崇德邀同張京兆張紹興張太僕

呂京兆呂中翰遊汎西江歷郭西諸勝
返飲水月洞訾家洲

南國初遊宴西江復溯洄舟移千堞盡戟立萬
峯開擊汰潛蛟逝鳴絃小鳳來長洲淹水月夜
榜未呼廻

呂惟師京兆邀同張京兆徐醴陵張隨州

張紹興張太僕呂中翰汎舟桂江憩飲

泐波山

桂水流連汎蘿巖宛轉過將舟平次石張坐曲

廻波雉堞垂陰短蛟潭積晦多夜珠方把玩月

白起關河

山有玩珠巖

呂惟謨中翰邀同諸君子汎舟陽江湖石

梁西上

放舸遵陽水牽江上石梁氣衝微雨白影入衆
山蒼雁急絃移柱龍閒笛卧牀還歌采菱曲月
出下廻塘

張質卿太僕邀同諸君子汎舟南谿飲白

龍洞歷山南

水汎情難極山看態轉新鷺形峯作首龍影石
成鱗溜濕更裘急寒吹引酌頻穿雲見花竹煙
火似秦人

張紹興壽卿邀同諸君子遊汎江上自訾
家洲至東郭浮梁以雨不果登屏風巖
鷗鷺洲邊水鼃鼃郭外梁刺舟行屢泊呼酒罷
還觴山近含雲暝江空入雨長名巖頻起望飛
興落蒼蒼

張隨州拱卿徐醴陵崇德各載酒過集琅

華館適退之汝成二宗侯攜榼亦至
花間驚屢報竹外起頻迎客屢參差至壺醪次
第傾厨煙林徑夕江雨石堂清羈旅寧無事沈
埋向酒城

徐象先孝廉邀同張汝靜集琅華館時聽
李長姬歌悽然有懷

華館颺微爽瑤罌酒至清才人由趙地艷曲善
吳聲就竹涼陰過移蘭夜氣生絃心那得顧懷
遠正多情

張汝靜孝廉載酒琅華館與徐象先同集
時命珠兒侍宴

諸張佳子弟仲氏更風流好我談詩坐呼童荷
插遊衣香隨几合酒氣入林浮興裏珠堪握深
貪照夜留

徐象先邀同張汝靜汎舟至木龍渡

障日斜垂幔迎風細覆觴叢蒲新葉短獨樹晚
陰長石齒膠舟澁谿毛引筯香渡頭龍化後禹
穴失梅梁

同張汝靜徐象先遊辰山因尋劉升之隱

士故居有引

登山之半三巖層沓石室穹然有五城十二
樓之想一云虎山以石形似名一巖曰蟄龍
昔人命嘉稱以擬劉升之之隱操焉

雲閣三重出煙堂萬石扶數經皆洞府高倚亦
仙都叱虎蹲寧去探龍卧未蘇縱看陵谷變故
里識潛夫

張蹇叔侍尊人羽王攜舟追送

捧杖侍嚴親分甘餞旅人呼舟方桂水醜酒下
蘭津片席風催久哀箏夜欵頻斯須聊暫立雲
月共逡巡

逢龍伯豫郡丞

余思武陵住君是武陵人相見嶺西郡終期洞
口鄰牧來無害馬懸處有枯鱗如此聲名起何
能謝要津

劉別駕過訪因談耒陽杜少陵遺事

傾蓋逢殊域題輿見異才君家衡嶽近我過楚
雲來遊跡驚相問時情總不猜耒陽山下路各
抱杜陵哀

由張超谷投青柯坪

進屐投仙館扶藜絕鳥羣谷中五里霧山半百
盤雲蒼樹青柯古花崖赤溜分峽門看渭曲水
日蕩紛紛

雨投牛頭寺

直上牛頭寺如臨鷲首峯高堦雲進屐深樹雨
聞鐘挾殿山屏曲穿岨土室重夏寒飛枕簟風

氣落長松

入終南行雲霧中不辨物色

自入蒼雲峽惟聞澗戶聲驚雷垂欲斷鳴水復
相成詢徑猶窮轍衝林只冥行鴻濛真未剖太
始得吾生

雨憇大悲寺

松梁過遠澗蘭若坐平丘稍息名山屐因乘法
海舟谷昏含苦霧檐響挂驚流寒劇空林雨真
披五月裘

投竹林寺

松谷千迴徑花宮百丈階已臨蒼嶺上更擁白
雲嵯枕澗寒聞雨窺林晝積霾竹深厨饌美笋
脯佐清齋

遊天池普光寺

卽隋龍泉寺故址秦愍王
新建以居西域無壞尊者

西域神僧至南山寶地開隋年聚沙在秦國布
金來石捧天池水峯攢梵帝臺盤旋雲霧裏疑
叩雪山迴

士簡宗侯邀同諸子對酒論文社集于曲

江亭時遇大雨

臨江衆水盡坐嶺一亭高聲各卑秦缶辭偏習
楚騷酒香成霧靄雨色動波濤回憶豪華地千
門入野蒿

進父宗侯樂志園二首

寤寐仲長論逍遙莊叟心煙波穿沼得丘壑閉
門深地遠花分逕風多樹出林相依羣鳥慣隨
杖和行吟

窅窅穿坳地深深到泐泉翻車鳴井上亂水散
畦邊花藥叢栽闊葵蔬小摘鮮幽偏饒物色昏
曉細周旋

寄徐固原

聞汝邊州守能名虜盡驚吏才非巧宦臣罪是
譚兵射影工何事含輝剖更明樓蘭猶未斬終
藉請長纓

午日答季量送酒

他鄉逢午日深見汝交情酒遣雙尊至詩兼四
韻成興當吟罷發愁仗醉餘輕小婦明人意浮

蒲勸細傾

不羈主社分詠華嶽一物得千葉白蓮

幹擢金莖直根連玉井長座開疑寶藏羽化是
仙糧搖動風翻雪玲瓏石結霜祇應逢玉女集
作素霓裳

自鄜州投甘泉縣先寄蕭季馨元戎

鄜時窺秦祀雕陰度漢城衆山高下處千里苦
辛行雪澗寒輕犯冰崖滑屢驚路難非獨慣知
已爲鍾情

初至延安與蕭季馨坐雨花亭夜談

把臂林初入看天霧已披只疑猶在夢不信遽
相持短燭鳴雞後微言警鶴時生平懷抱意一
夕慰君知

集楊子立金吾晚登問月臺同蕭叔馨季

馨席上分得龍字

改席候殘月登臺對晚峯喧呼驚過鳥筆札見
雕龍山色城頭樹林敲谷口鐘醉鄉吾已得忝
竊比侯封

楊子賢子名兄弟邀集

借汝園中榻邀余堂上樽出花登几席剪韭具
饗殮禮數新酬酢詩書美弟昆淹留對山色嵐
氣夕成昏

蕭叔馨邀集鳳覽亭同季馨子立賦

花亭窺市裏蘭酌倚山腰樹晚禽言急雲清鳳
覽遙石臺移露坐巷曲辨風謠莫是臨天姥成
霞起赤標

題清涼山頂萬壽寺與蕭季馨同賦

峯磴入清涼峯頭到鴈堂中天懸住地下嶺接
迷方午日臨塔近晴雲積樹蒼一燈開夜色處
處禮毫光

楊汝植八挺陟卿彤卿四兄弟携酒邀飲

伏玉軒次壁間韻

延州名下士楊氏復多才樽榼摩肩集琳琅觸
目來轄亡花覆井坐徙樹臨杯擬試盤中舞新
聲倚醉裁

岳伯高孝廉有孤癖能數數就余飲論并

投以詩次韻酬之

君自抱高尚余仍處不才胡然孤癖者翻作嗜
痴來竹素傷時語梨漿累日杯余狂君似簡相
對互堪裁

過平涼王茂洪少卿邀遊韓國暖泉園

桂醕清卿席楊洲帝子林波暄龍戲劇樹遠鳥
居深酒榭通花氣歌臺過竹陰絃絲與山水遞
代起清音

簫管移青雀林塘曲轉長煙波開郭裏蒲葦似
江鄉魴鯉看依漿鴛鴦詠在梁中流榜歌返月
色破蒼蒼

真乘寺迴眺因歷諸刹

崆峒山有五峰亦名小五臺真乘寺

爲中臺云

五峯五梵刹中起是真乘離立崆峒石分懸日
月燈往還嵐數變高下氣同蒸儼縮清涼地穿
雲處處登

過安定與惲遠卿明府夜談

徙宅余陽羨通家汝晉陵何期遊度隴相對語

張燈朗就銀潢月清分玉井冰經年客秦塞今日意飛騰

酬周中丞對月憶余西來在途之作

支策尋山久揚鞭出塞遲驚看度隴月又過下
弦時對此勞頻憶憂予力已疲塵沙垂老面媿
比嬋娟姿

感君看塞月念客走秦山帶暈愁逢雨流輝想
度關况驚輪漸減復恐路行艱如此慙懃意難
酬染翰間

九日塞上宴周中丞幕府時榆關大虜初

退次中丞韻二首

名王遁沙漠酒客命高陽塞菊叢枝短山萸艷
顆香胡雛雙舞伎少子數行觴忽報傳鮮至玄
熊射遠荒

登高秣陵曲汎菊把杯長勝事曾他日新醪復
異方蓮花深坐幕萸實小坐囊醉望關山月歛
斜傍笛牀

微軀

微軀委天意志失且龍蛇卽事存忠朴逢時遇
咄嗟青黃文斷木稠密樹空花誰識栖栖者毘
城自有家

塞上對雪飲周中丞幕中作

朔雪陰山下涼風北極回吹過雞鹿塞飛滿赫
連臺玉樹輝依坐瑤囊巧入杯何期東郭履曳
向幕中來

苦憶龍沙外瑤華滿地新寒應愁戍卒深轉壓
胡塵游騎搜荒少饑烏噪食頻此時蘇屬國持

節倍酸辛

家僮至自故園雜詢得諸事

髯奴鄉國至驚起舞婆娑家事殷勤問艱虞次
第過詩書兒學嬾桂玉婦憂多東壁塵埃裏惟
懸舊釣蓑

自散高陽會谿村罷酒帘社盟諸老盡

董迷夫
陸元德

陸華父皆
已化去

宅相兩甥添榆影過于屋藤枝長入

簾癡奴偷匣劍刈草損鋒鋸

周遭諸手植花竹漸森森竹耐隣兒斬花供幼

女簪踈籬頻夜警荒蔓已春陰獨有將雛鳥爲
巢日以深

寂寞煙山墓林叢虎窟憑松楸哀斬伐樵牧痛
侵凌經雨封頻圻逢春土漸增時時勤展視猶
賴故交僧

日日愁晨爨凶年廢業頻蔬畦存後圃黍地屬
東隣但有催逋客誰爲貸粟人那知朱義士別
後也遭貧

南嶺芙蓉寺來時集講師齋錢曾不送檀越更
誰支聽法龍神散啼饑鬼物悲苦空諸老衲入
定已多時

龍君御過西樓談眺得庭字

地極赴寥廓樓居隣杏冥聊舒河外望直過幕
南庭磧雨關城黑羌煙海色青遠心將猛氣異
域忘飄零

又得曹字

余也過龍勒君乎滯馬曹悲懷同俠烈小語且
詩騷水東盤山急雲蒸入塞高共驚春屢別花

月怨湘皋

時談楚事

遊伊闕因與丁元父別

自天開闕塞傍險坐煙林衆水臨崖窄千龕剖
石深漲青山忽雨晝黑樹多陰一寸難寧處關
門怨別心

慧麓千章木扶風萬石家因山買林沼特地領
煙霞長綠仙家草頻開異域花畦塍鈎帶處併
藝故侯瓜

西來列九峯青翠九芙蓉隣近藏山寺晨昏隔
澗鐘繁音喧衆籟積氣護深松率意穿前塢僊
源又幾重

冠久林間挂尊長竹裏呼臨臺猶翠柏藉地亦
青蒲帝賜山中相人疑谷口愚往來多羽族不
去是啼鳥

亭館高低置橋梁屈曲連峯移渡湖石階遶出
山泉扶杖行多誤携杯坐數遷醉鄉封足老何
羨汶陽田

次答吳允兆諸同社兼簡史靈長太常
簧巧元讒者神明亦令君旋能諳罪狀未至薄
斯文公論真偏出傳言誤有聞感知還邑老聲
氣竊同羣

次答吳瓊峯讀余參參集見贈之作

辭章苦長夜曙色剖微微艷恐無紋錦明慚有
類璣同聲今日賞何字挾霜飛自許山林骨燵
霞老共依

白門逢龍元基

遇客白門旁驚迴喜復傷何從雙涕淚不改一
肝腸皦皦當心日深深雨夏霜所期君特奮寬
氣可飛揚

寄懷張質卿太僕于嶺西

朔塞連南極曾通萬里書九秋孤鴈後一紙十
年餘柳緝編同出

公有罔畏集余有蓬飛跡遽
參參集同行于世

踈君家難再見天際似仙居

傲居

壺居接東廡卜肆倚西隣無意在干謁不然非

隱淪巷談投社客戶屢購書人遊士空秦禁商
歌氣獨申

關樓對月

月華明畫檻冰影散雕盤霞彩綠輪薄金波委
地寬握珠開夜晦倚玉辟秋寒細落高天桂飛
香不讓蘭

待雪

謝曰可主社
分得二蕭

冬暄行欲解春令豈全驕流霰應先集同雲莫
更飄飛思紛薄木積願不封條珍重祈年意三

農瑞可邀

蕭宜生邀遊西莊同社中諸子各用青字
杖屨赴郊垆莊居度小汀池寬含水白山遠隔
江青衝凍魚將起投叢鳥亦寧野人驚浪飲不
解託沈冥

南陔刈麥爲秦京賦

來牟布中野刈穫過南隣饑免號童穉嘗堪慰
老親兩岐寧足侈九穗亦徒珍誰似腰鎌者猶
勝負米人

分賦得風生松下涼

松陰秋落落晚吹坐來微謾謾清音動泠泠爽
氣歸輕花黃粉墜密葉翠濤飛入耳殊堪悅
陽聽後稀

梁君肇主社賦得綠波館

華館子城下前榮俯綠波色深因映柳文起爲
翻荷靜可攤書坐涼宜解帶過豈同南浦上春
水別愁多

花朝前一日來陽伯招集旅館同諸子賦

吳地客來秦翻如地主入君乎能置酒余也媿
稱賓饌出盤高溢觴飛飲亂巡興餘還候曉接
宴酌花神

花朝李汝謙孝廉招集讀書處同社中諸

子賦時來陽伯後至坐有雙姬

藏來書接棟載至酒盈車期客初看竹稱觴併
酌花簷光先挂月城影尚浮霞子夜過豪士乘
酣擁麗華

章吉父携具邀同盛孝常沈元美過飲章

彥星園亭時章伯明兄弟亦出酒肴卽
事成詠

短垣穿竹嶼曲澗入桐關石捧花間屋灘連水
上山酒肴分次第人地各蕭閒不有城中伴昏
鐘未遣還

罷楊園宴再過史辰伯池亭探得羣字

內巷行初盡南榮坐始分簷光花墮月池影竹
連雲是處宜于酒吾儕會以文自嘲同鹿豕來
往不離羣

孤松赴主叢山戒珠寺

競愛叢山寺危峯擁梵筵總持僧寶定孤炯戒
珠懸舍衛城疑化恒河水若遷吾期營九品相
望九青蓮

鴈冢

有序

客有遺張長輿雙鴈畜之最馴忽狸奴啣其
雄而雌遂不食三日以死長輿義之瘞于蔬
圃高其封稱鴈塚云

雙鴈忽傷雄孤雌亦義終斷行高柳北表冢大

江東影失窺庭月，竟歸出塞風。長令婆婦見，千載媿心同。

瓦棺寺齋集汪肇郃招同尹司馬恒屈齋

王孫吳自先諸君子

香刹行看竹，齋盤旋摘葵。偶陪文學乘，若赴尚

書期

時司馬欲識余故有此招

風浪無高處

李供奉詩有風浪高于瓦棺閣

句幢旛不動，時禪心俱捷。會悟語併談，詩

乞于文若河賦序卜居圖久未見，授促之

以詩

藝事虎頭絕，辭華玄晏才。序文期草出，厨畫想飛來。兒女鄉心急，衣裳旅橐哀。所須將二物，氣色好南迴。

同王德載葉茂含過慶壽寺悟心上人房

留飲因讀其詩草

闌從精舍入，不遣客眉攢。鉢呪蓮花滿，杯浮米汁寬。詼諧通梵語，鮮錯互齋盤。海上雲俱碧，湯休句裏看。

參寥集卷二十七

參陽全集
卷三十一
三



